



Infuormaziuns

avuost 2026

Stimats genituors

In nom da tuot il persunal da scoula Tils lessa salüdar cordialmaing pel nouv on da scoula e sper d'avair üna buna collavuraziun d'ürant il prossem on da scoula, a böen da Lur uffants, da nos avegnir.

Quist on han cumanzà 21 uffants la scouline quia a Scuol e 14 scolaras e scolars la prüma classa primara. 1 scolar da Guarda, 5 scolaras e scolars d'Ardez, 1 scolar da Tarasp ed 1 scoula da Ftan han cumanzà la prüma classa dal s-chalin ot. Implü ha cumanzà üna ulteriura scoula la scoula a Scuol. Ad els tuots giavüschaina ün bun cumanzamaint illa scouline e scoula da Scuol.

Nouvas persunas d'instrucziun

Ill gazetta da scoula sun gnüdas preschantadas per part las nouvas persunas d'instrucziun. In quist'ocasiun lessa salüdar eir uffialmaing a las seguintas persunas i'l team da Scuol e giavüschar tuot il bun in nossa scoula. I's tratta da **Corina Denuder** e **Sara Fanchi** illa scouline e **Fränzi Gissler** sül s-chalin ot. Plünavant ans sustegnan in avegnir eir **Caroline Mosca**, **Flurina Auer** e **Seraina Guler**. Ellas trais sun ingaschadas externamaing (Center da cumpetenza Givvulta o Consistori), ma instruischan o sustegnan illa funcziun da magistra o assistenja per singulas classas o singulas scolaras o scolars. Ad ellas giavüscha ün bun cumanzamaint ed üna buna collavuraziun i'l team da persunas d'instrucziun da Scuol.



Dis da visita per genituors

Als **5 e 6 november 2026** han lö darcheu ils dis da visita ufficials per genituors per survgnir invista i'l andamaint regular in scoula e scouline. Genituors han la pussibiltà da visitar las lecziuns regularas. Detagls precis vegnan comunicats cuort avant da las persunas d'instrucziun da classa. Eir ils dis da visita da la scouline han lö quist on al listess mumaint sco quels da la scoula.

Nouv möd da comunicaziun cun genituors: KLAPP

Genituors chi han fat müdada i'ls ultims ons, cugnuoschan forsa l'applicaziun da computer e telefonin KLAPP. I's tratta d'ün program per comunicar tanter persunas d'instrucziun e genituors, sco eir per annunzchar absenzas o per far dumondas per dis da joker. Quel vain introdüt eir illas scoulas da Scuol. El rimplazza in prüma lingia il whatsapp chi vain dovrà in tschertas classas, ma per part eir l'e-mail. Infuormaziuns lasupra survegnan Els a man d'ün fögl d'infuormaziuns cha Lur figlia o Lur figl portarà a chasa d'ürant il prossem temp o illa prosma saira da genituors. Fin las vacanzas d'utuon düra üna tscherta fasa d'introducziun e perquai giavüschaina incletta schi dà qua o là tschertas malsgürezzas o discapits. Fin là as poja eir bain comunicar sco fin uossa. Il böt füss cha davo las vacanzas d'utuon vain comunicà be amo sur KLAPP e per telefon. Grazcha fich per Lur sustegn.

Infuormaziuns da societats

La scoula survain da societats, scoulas cuntinuantas ed oter adüna daplü infuormaziuns, flyers ed ulteriura documainta per dar inavant a genituors. Suvent vain quai pro la scoula be in fuorma dad e-mail. Uschè vaina decis fingià avant duos ons da scumpartir quai per regla be tras il secretariat (intuorn üna fin duos jadas il mais adüna il venderdi). Nus giavüschain als genituors da verer sves a che uffants cha quai pertocca. Per regla scumpartina la documainta in rumantsch o biling schi's tratta da societats indigenas. Nus eschan però jent prunts da sustgnair pro pitschnas traducziuns.

Documainta specifica per scolaras e scolars dal s-chalin ot vain per part datta inavant directamaing dals magisters da classa a la scoula o al scolar. Documainta chi pertocca a singulas classas vain datta inavant da la magistra o dal magister da classa.

La scoula retegna il dret da nu scumpartir tscherta documainta, scha la tematica nu s'affa cull'etica da la scoula e quai sainza argumantar quai. I's tratta d'üna sporta facultativa da la scoula.

Documainta chi vain datta giò in scrit, scumpartina a las classas sco fin qua.

Situaziun vacanzas da primavaira 2027

Las vacanzas da primavaira dal 2027 dūran dals 8 fin als 23 mai 2027. In quist'occasiun lessna trar attent cha als **6 mai esa Ascensiun e'ls 7 mai la punt da l'Ascensiun** chi vain cumpensada cul di da l'Hom Strom. Scha famiglias voulan prolongar las vacanzas avant ils 6 mai, ston gnir retrats dis da joker. In quist'occasiun lessa trar attent cha'l cussagl da scoula nu conceda ulteriurs dis da joker per prolongar vacanzas e chi's dessa a cas „spargnar“ quels pellas vacanzas da primavaira, schi's prevezza là da prolongar quellas.

Chalender d'occurrenz 1. semester

Eir quist on varan lö darcheu differents arrandschamaints specials, planisabels fingià ouravant. Per part suna fingià cuntschaints: quia las datas dal prim semester. Sùlla pagina d'internet vain publichada adüna la varianta la plü actuala e'ls müdamaints pussibels.

17 avuost 2026:	1. di da scoula
10 settember 2026:	di dal trafic public dal Grischun (3. e 4. classa)
15 + 17 settember 2026:	School meets hockey, proget pella 1. e 2. classa
30 settember 2026:	cuorsa d'orientaziun sCOOL a Ftan (facultativ, marcurdi davomezdi)
9 october 2026:	inscunter annual da las personas d'instrucziun dad Ardez fin Samignun (ingün'instrucziun il venderdi davomezdi)
28 october 2026:	Classica in classa – proget da musica pella 1. fin 4. classa
29 october 2026:	posa dal lat
29/30 october 2026:	Coppa Engiadina da hockey pella 1 fin 6avla classa
12 november 2026:	di da l'avegnir naziunal pellas scolaras e pels scholars da 5 e 6avla classa
5 e 6 november 2026:	dis da visita in scoula per genituors
11, 12 o 13 november 2026:	FIUTSCHER – exposiziun da mansters a Cuoir pel s-chalin ot
4 december 2026:	proget tscherna da mansters insembel culla Società da commerzi e mansteranza da l'Engiadina Bassa e Samignun pellas 7avlas classas
16 december 2026*:	scolaziun interna dal team da personas d'instrucziun da la scoula da la fracziun da Scuol (ingün'instrucziun il marcurdi avantmezdi)
22 december 2026:	Nadal da scoula
8 schner 2027:	primara Pangronds
dec. 2026 / schner 2027:	eivna da skis da las scoulinas da Scuol
29 schner 2027:	ultim di dal 1. semester, surdatta dals attestats
otras occurrenz tenor ora:	spasseggiada d'utuon, dis da sport, excursiuns da las differentas classas

Ulteriuras orientaziuns specificas d'importanza be per singulas classas vegnan dattas cuntschaintas directamaing da la magistra o dal magister da classa. La varianta la plü actuala as chatta adüna sùlla pagina d'internet.

*tenor ledscha da scoula han genituors chi nu pon survagliar dūrant avantmezdis sainz'instrucziun a lur uffants la pussibilità dad annunzchar quai a la scoula e quella tschercha lura üna soluziun. Genituors chi giavüschan cha lur uffant gnia survaglià quists avantmezdis annunzchan in scrit quist bsögn al manader da scoula, fin als 18 november 2026. Sainza annunzcha resta l'uffant a chasa quist di. In che maniera cha quist accompagnamaint vain organisà nun es amo cuntschaint e sta illa respunsabilità da la scoula (p. ex. famiglias externas, chüra Cumbinella, lavur quieta in stanza da scoula insembel cun ün'otra classa, program special, etc.)

Amiaivels salüds



Mario Rauch, manader da scoula

Sustegn per traducziuns

Il colliamaint (linc) a la fin da quist'alineia pudess esser ün sustegn per personas chi nun inclegian uschè bain rumantsch e douvran üna traducziun in talian, tudais-ch o in inglais, chi'd es tant inavant acceptabla. Displaschaivelmaing nu funcziuna il linc per tuot las linguas. → <https://supertext.com/de/>

Bemerkung: Die allgemeine Korrespondenz der Gemeindeschule Scuol wird nur in der offiziellen Gemeindesprache verfasst, d. h. auf Romanisch. Das Schulsekretariat steht aber gerne zur Verfügung, um Eltern anderer Sprachen, telefonisch genauere Auskünfte zu geben. Die offiziellen Öffnungszeiten des Schulsekretariats sind in der „Gazetta da scoula“ publiziert.

Nota: A correspondência que a escola manda a todos os pais é escrita com a língua oficial da cumuna, ou seja o rumantsch. O secretariado da escola está á disposição das encarregados de educação em caso de duvidas. O horario do secretariado está publicado em „Gazetta da scoula“.